



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

XLV. Kurfürst Friedrich vereignet dem Karthäuser-Kloster die Madlitzsche
Mühle, welche die Strantz und Großen zu Lehn trugen, am 28. Februar
1442.

Nutzungsbedingungen

[urn:nbn:de:hbz:466:1-55508](https://nbn-resolving.org/urn:nbn:de:hbz:466:1-55508)

vnd gerechtigkeiten in velde vnd in dorffe, nichts vſgenommen, zu dem andern teile, das die gnanten brudere Carthuſer ordens vorhin an dem gnanten dorffe Bryſen haben, an das gnante Cloſter gevallen vnd komen vnd ewichlichen mit fulchem lehen vnd erbe darby bleiben. Vnd wir verzeyen vns auch aller gerechtikeit, die vns vnd vnſer herſchafft daran mocht angefallen, vſgenamen alleyne dy lehen vnd manſchafft, diewile die gnanten Strantzze ader Ire lehens erben das obignante teil an dem dorffe Bryſen von vns zu lehne beſitzen. Wolden ſich auch die obgenanten Strantzze vnd Ire lehensſerbin mit den lehen zu den gnanten brudern Carthuſer ordens williglichen halden, das haben wir on von beſundern gnaden zugegeben vnd iſt vnſer vulhort vnd guter wille. Geſchege es nu korzlich ader vber langk, das die gnanten Strantzze das genante teil verkouffen wolden, So ſollen ſie das den gnanten brudern Carthuſer ordens zu kauſſte anbyeten vnd In das vmb redelich vnd gewonlich gelt zu kauſſte geben, was Ire frunde vnd frome lewte, die ſie von beyden ſeyten darczu kyſen werden, erkennen, was das teil gelden moge, ſo das einer den andern damit nicht oberfetzze. Vnd des ſint geczewge vnſer Rete vnd lieben getruwen diſe hirnachgeſchriben, mit namen hanns von waldow, Ritter, wilhelm fuchs, marſchalk, Otte von Slywen der alde, hoſemeiſter, heintz kracht, Canczler, heyne pfuel vnd otte von Slywen der Junge. Vnd des zu orkunde vnd warem Bekentniſs haben wir vnſer Ingelſegel an diſſen brieff mit willen vnd guten wiſſen hengen laſſen, der Geben vnd geſchriben iſt zum Berlin, Nach gots gebort virczehnhundert Jar vnd darnach Im czwey vnd virczigſten Jare, am Mittwochen noch dem Sontage Reminiſcere in der vaſten.

Nach dem Copialbuche des Carthäuser-Kloſters, No. 12.

XLV. Kurfürſt Friedrich verzeignet dem Carthäuser-Kloſter die Madliſche Mühle, welche die Stranz und Groſſen zu Lehn tragen, am 28. Februar 1442.

Wir fridrich, von gots gnaden Marggraff zu Branndborg, des heiligen Romiſchen Reichs Ertzkamrer vnd Burggraff zu Noremberg, Bekennen —, das wir angeſehen haben die gottesdiſte vnd gute wercke, die ofte vnd dicke vnd tegelichen geſchehen In dem Cloſtere Gotelſbarmherzigkeit, Carthuſer ordens, vor vnſer Stat franckenforde gelegen, vnd — den Andechtigen brudern, dem priori vnd ganczen Conuente deſſelben cloſters Carthuſer ordens vnd allen iren nachkomen gnedlichen gegeben vnd vereygent die Mole, Modeliſche mole gnant, mit dem Teyche, der die Mole treibet, mit allem nutz vnd zugehorungen vnd fuſt mit allem rechte, alſe vnſer lieben getruwen, die Strantzze vnd auch die groſſen zu Franckenforde, dieſelben mole noch von vns zu lehne vnd Erblichen beſitzen, vnd wir verlihen vnd vereygen auch dem obgnanten Cloſtere vnd den brudern darzu gehorende vnd allen Iren nachkomen dieſelben mole mit dem Teiche, zinfen, Renten vnd mit zugehorungen vnd gerechtikeiten, in crafft diſſes briefes, Alſo ab die Strantzze vnd die Groſſen ader der geſlechte eins beſunder ane lehensſerben abginge vnd verſtorbe, So ſal die benante Mole mit allen zubehorungen vnd gerechtikeiten, ader welcher teil alſo verſtorbe, an das genante Cloſter gevallen vnd komen vnd ewich-

chen mit sulchem lehne vnd erbe darby bleiben, vnd wir verzeyen vns auch aller gerechtikeit, die vns vnd vnser herschafft daran mochte angefallen, aufgenomen alleyne die lehen vnd manschafft, diewile die gnanten Stranze vnd die Groffen ader ire lehenferben die obingeschriebene Mole von vns zu lehne besitzzen. Wolden sich auch die obgnanten Stranze vnd Groffen vnd ire lehenferben mit den lehen zu den gnanten brudern Carthuser ordens williglichen halden, das haben wir In von besundern gnaden zugegeben vnd ist vnser volbort vnd guter wille. Geschege es nu korczlich ader vber langk, das die gnanten Stranze ader die Groffen die gnante Mole verkouffen wolden, so sollen sy die den gnanten brudern Carthuser ordens zu kouffe anbiten vnd In die vmb redelich gewonlich geldt zu kouffe geben, was ire frunde vnd frome lewte, die sie von beiden seiten darczu kyfen werden, erkennen, wes die Mole alle ader ein teils gelden moge, so das einer den andern darmit nicht oberfetzze. Vnd des sein geczewge vnser Rete vnd lieben getruwen disse hirnachgeschriben, mit namen Hanns von waldow, Ritter, Wilhelm fuchs, vnser marschalk, Otte von Slywen der alde, vnser houemeister, heincze Cracht, vnser Canzler, heyne pfuel vnd Otte von Slywen de Junge: Vnd des zu orkunde vnd waren bekentniß haben wir vnser Ingesigel an disen brief mit willen vnd guten wiffen hengen lassen, der Gegeben vnd geschriben ist zum Berlin, Nach gots gebort virczenhundert Jar vnd darnach Im czwey vnd virczigsten Jare, Am Mittewochen nach dem Sontage, alle man in der heiligen kirchen singet Reminiscere in der vasten.

Nach dem Copialbuche des Carthäuser-Klosters, No. 14.

XLVI. Abt Nicolaus und der Convent des Klosters Neu-Zelle verkaufen dem Carthäuser-Kloster zu Frankfurt die Dörfer Lindow mit der Mühlenstätte und Brieskow mit dem Brieskower See, am 13. Dezember 1442.

Wy er Nicolaus, Abbt, Tylemannus, prior, Thomas, Supprior, Gabriel, Burfarius, vnd dy gancze Conuent des Cloesters Niecelle, Cistercier ordens, Mifsens gestichtes, In deme lände tho lufsiczen gelegen, Bekennen opinbar vor vns vnd vnser Nakomeden In demselv vnsem opin bryffe, dat wy met fulbort des erwerdigen In god, vader vnd hereñ, hern vincency, Abbt tho der olden Cellen, des gnanten ordens vnser visitator, Vnd ok met gudem vorrade vnd wolbedachtem mode eyndrechtliken hebben egentliken recht vnd redeliken vorkofft vnd vorkopin, met craft deses bryffes, den andechtigen geistliken heren vnd Brodern, dem priori vnd dem gantzen Conuente vnd oren nakomeden des huses, Godis barmherticheit genommet, Carthusers ordens vor franckenford, In dem gestichte tho lubus gelegen, dy twe dorperre lindow vnd wriksik met dem wriksiker see gancz vnd all met allen tynsen, renthen vnd nut, dy dar van komen mogen, met allem rechte, met oren grenissen, thobehoringen vnd gerechticheit In dorpen vnd In velden, An holten, an fehn, an wateren, an weiden, an wesen, an grafe vnd wat dartho gehören mach na edder verne, wo men dat genomen mach, met den gerichtten hogesten vnd nedersten, nicht vtgenomen, In aller mathe, alze hans schulte dat In synen weren vnd besittungen